



Naunaiyariiqhimagut

## Taiguayukhiyuknirmun Havaaqhangit Nunavunmiituni Ilihaqviinun

Taiguayukhiyuknirmun talvuuna avaliitumik aulahimaluangitugaluq taiguyukhiunik titirayukhiuniklu.

Tamna naunaitkuta *taiguayukhiyuknirmun* aulahimayuq amgiaitunik qanuriliurutikharnun ilihimatjutingnik, ayuittiaqhimayainik, inuuhirmi hulilukaaknirmun qanuritmangangitlu inuuhiani taima ihumaliuktivaktun ihuangitumik, ihuaqtumiklu uqagikhiyaangat, aulahimaagiangat allanguqtiqhimaagtunik ihuaqhaiqyumirutikharniklu ayungnautingnik.

Ihivriuyagiikhimayut ilituginaqtun taigulualimaitunik naunairutiqaqtuq taima nuttaqqat iniqtiqinaiqpektun angayukhiyunin iliharvingnin.

Angayukhiit iliharviangat iniqtirutinganik amigaiqyumiliktugaluit Nunavunmi kihimi ikikliyumiunginaqtun allanik nunalaanganin Kanatami.

Nunavummiutauyuq ilitugipkaktugaluit ihumagiyainik taima iliharvikput aituluangitun ilihagtunut taiguayukhiyuknirmun piqaqtukharnik taima ihivriuttiagiangat havaagumayaminik hivunirmi ilihariafaaqnahuagumiklu Iliharvikyuangani ausaimi ihumagimitku.

Amigaitun iniqtiqhimagut ilihagtamingnik angayukhiit iliharviani aulalualimainamik ilihavikyuanganun ilihairutingnut. Taima ilihalifaaligaluqatun malrungnik ilihairutikharyuaganik taima ilihaiqyumiqtitiyaangat taiguayukhiyuknirmun ayuittiarutingnik.

Hadja llinniaqtuliqiyikkut iliharvikputlu piqangitun aulayumik ilihairutikharnik ihivriugiangatluuniit ilihagtunut tallvuuna taiguayukhiyuknirmun ayuittiarutingnik.

Taima naunaiyagiikhimayuq ihivriutjutikhaqangitugut tallvuna taiguayukhiyuknirmun ayuittiarutingnik Nunavunmi, talvuunanginaq ilihagtunut 12mi qullirutaini.

Ihuaqhaiqyumiqtitiyaangat taiguayukhiyuknirmun ilitagiliqtugut ihivriutjutikhangit aulayut, ihuaqtunik upautiutikharnik ilihaiyaangat taigualiqaikkut titiraliqinikkutlu taima aulayunik atuqtautaagtunlu tamaini iliharvingni Nunavunmi.

Tamna hivulliuyuq aulatjutikhaq taiguayukhiyuknirmun havaaqhangit aulaniaqmiut talvuuna ilihalahaaliqtunut ilihagtunutlu ilihairutikharnik atuqlugit taima *Qullirutiqaqtunik*

*Taiguayukhiyuknirmun* upautikharnik, ilihairutikharnik pivalliatjutikharnik (tamainik uqauhitigun) taima ayuittiarutikhat pivalliatjutikharnik.

*Qullirutiqagtunik Taiguayukhiyuknirmun* ayungnavyaktuq hanaqitjutikhaq talvuuna taiguayukhiyuknirmun pivalliatjutikharnik ilauqaqhunilu hanaqitjutikhat ikayuutigiyangang taiguaqnikkut, titiragianganiklu ihivriuttiagiangatlu taiguaqnik.

*Naunaiyagiikhimayut Taigugiangat, Naunaiyagiikhimayut Titiragiangat Ihivriutukhaniklu Taiguanik* naunaitunik ilihairutikhat talvuuna *Qullirutiqagtunik Taiguayukhiyuknirmun* upautikharnik.

Ilhaqtun akuktauniaqtun qullirutikharnik nallaumayumik nallaumangitunikluu maliktakharnik taima nuutpallialigumik ikayuutikharnik nanminikkut taigunik ihivriuligumik, taigugiangat titiragiangatlu.

Malikhautikhar talvuuna *Naunaiyagiikhimayut Taigugiangat* havaaqhaq:

- Taiguqlutik Tuhaanaqtumik\_ ilihaiyi taiguqluni tuhaanaqtumik pukugiikhimayunik taiguqtakharnik tuhaanaqtumik mikiunut katimayunik ilihagtunik. Una tunihimaaqniaqtuq taima qanuqtun tuhaanaqtunik taiguqpaktun. Taimalu ihuaqyumiqtitivaktuq nunalaani taiguyukharnik ikayugiangatlu ilihagtunut pivalliatjutikharnik nallanaqhutik ayuittiagutikharnik.
- Ilaqagiikhutik Taiguhimaaqtun\_ ilihaiyi ilihagtunlu taiguqaqtigiiklutik titiraqhimayuq atautikkut. Taima ilihaiyimun ikayugiangat qanuq taigugiangat hanaqitjutikharnik tunihimaagiangatlu ilihagtunut ihuaqtunik atuqtakharnik talvuuna qanuq taigugiangat atuqtaunginaqtun taiqtunutlu ayuiqyumiqtitiyaangat taiguqtamingnik.
- Malikhautitiplutik Taiguqtun\_ ilihaiyiit ilitugipkaktun pukugiikhimayunik ilihagtunut maliktakhainik qullirutingnik. Taima ilihagtunut uuktuqhimaagiangat taiguqnikkut ayuittiarutingnik, taiguqyumiqtitiyaangat nanminikkutlu taiguqpaliagiangat.
- Nanminikkut Taiguqpaliagiangat \_ taima ilihagtunut inmikkut pukugiangat taigurumamingnik. Taima pivalliaqagiangat taiguqpaliagiangat namagiyamingnik taiguqtaaqtangnik taimalu inmikkut aturutikharnik ayuiqhautivaliavaktunlu taiguqhutik ilihimayainik nuutaanik titiraqhimayunik.

Malikhautikhat *Naunaiyagiikhimayut Titiragiangat* havaaqhaqnik:

- Tautuktitihimayunik/Ilaqatigiikhimayukhat Titirangniq\_ ilihaiyiit ilihagtunlu angiqatigiiklutik titiragiangat titiraqhimayunik; ilihaiyiit titiraqtukhat. Una malikhautikhaq naunaiyaivaktuq katitigutikharnik talvuuna nipikkut, titirahiit taigaunganiklu.
- Ilauhimaaqtitiplutik Titirangniq \_ ilihaiyiit ilihagtunlu titiraqlutik atautikkut atuqlutik atauhirmik titiraqmik ilihairutikharnik taima ilihagtunik titiraqtukhaq.

Taima una ikayuutigivaktuq ilihaqtunut ayuigiangat qanuq titiragiangat aulatitiyaangat taiguaqnik amigaiqyumiqtitiyangatlu taiguanik titiraqtauyukhanik naunairutikharnik.

- Nanminikkut Titiragiangat\_ilihaqtun nanminikkut titiraqtukhat. Una ikayuutigivaktuq taigugiangat pivalliatjutikharnik nanminikkutlu aulahimaagianganik.

*Taiguanik Ihivriutjutikhangit:*

Taima taiguqyumigiangat, ilihaqtun ihuaqtumik ilitagiyukhaliqtun taiguanik. Ihuaqtumiklu atuttiaqtukhat titiraqhimayunik taigunik atugianganic naunairutikhangit. Taima taiguanik ihivriutjutikharnik aulahimayut talvuuna ilihaiyaangat taigugiangat uqautikhangitlu, taima ilihaqtunut atugiangat ihivriuqtiagiangat taiguaqnik.

Talvani *Taiguanik Ihivriutjutikhangit* ilihaqtun atuqhimaapaktun naunaitunik ulapqitjutingnik hulilukaarutikharnik ilitugiyaakhariyaangat:

1. Titirauhiit tuhaatjutiingit atuqtauvikhangit
2. Qanuqtun pukuluagiangat taigualuagiayuyut, qanuqlu taitjutikhat hivunirmi kingulirmilu allanguqtigiyaangat aulavikhanga taitjutiingit
3. Titiragiangat ihuaqtumik ilauqaqtuq nalvaaqhiyangat uuktutikharnik
4. Qanuqtun piyaangat naunairutikharnik taiguangit ilitugitjutikhangit taiyagianganiklu talvuuna ihivriuqnikkut ilanganik taiguanik.

Talvuuna *Taiguanik Ihivriutjutikhangit* ilihaiyiit atuqhimaapaktun allatqiinik hulilukaarutikharnik ihuaqtumik titiragiangat taigugiangatlu, taiguanik ilitaginikkut taitjutingitlu taigugiangat: qiniqhianikkut taiguanik, atuhiingit naunairutikharnik taiguqyumifaaqnikkutlu titiragiikhimayunik

Ilihaqtun ayungnautihimaqtun tuniyauniaqtun ikaaknikharnik, ilitangnaqtunik ilautjutikharnik taimaita ilihaqtunut ihuaqtumik iniqitigiyaangat ilihairutikharnik.

Taiguaqtunut havaaqhangit atuqniaqtun qullirutiqaqtunut mapiraaqnik, taima ilihaqtunut ayuiqpaliagiangat ayungnavyaktunik titiraqhimayunik taima tunihimaatlugit angayuqaangit naunairutikharnik taima nuttarangit pivalliatjutikhangit aulahimayut ilihaqtamingnik qullirutainik naunaiyaqhimayunik.

Ilihaiyiit aituqtauniaqtun angiyunik ayuittiarutikharnik ilihairutikharniklu talvuuna taiguayukhiyuknirmun iniqtirutikharnik ikayugianganic tuniyaangatlu ilihaqtunut anginirmik ayuiqhautikharnik atuqtakharnik.

Ilinniaqtuliqiyikkut ikayukhimaanginaqtun iliharvingnik niuvigiangat pivalliyangatlu ilihairutikharnik ikayugiangat hanaqitjutikhangit. Niuviqpaktugut Qabluunaqtun uqauhikkut qullirutiqaqtunik mapiraarnik tamainun ilihaqvingnun taimalu havakhimaatigiyaqqut nunalaani titirayuktunut iniqitigiyaangat amigaitunik ilihairutikharnik qullirutiqaqtunik mapiraaqhat Inuktitutun.

Tamna *Qullirutiqaqtunik Taiguayukhiyuknirmun* hanaqitjutikhaq aulaniaqmiuq  
ilihalihaaqtunut ilihaqtunut 4mi talvuuna ukiukmi 2014mi-2015mun ilihavviit ukiungani  
timalu aulaliqlutik ilihaqtunut 5mi 8mun 9mun 12munlu taima iniqtiqhimayunik ukiunganik.